



Partii Inuit Inatsisartuni

15. OKTOBERR

UKA 2013 / 32
RANDI BROBERG

Utoqqalinersiuteqartut angerlarsimaffimmini ikiorteqartarnerminnut akiliisarunnaarnissaat siunertaralugu Inatsisartut peqqussutaat nr. 15, 20. november 2006-imeersumi § 29-ip allangortinneqarnissaa siunertaralugu Naalackersuisut siunnersuummik saqqummiusseqqullugit peqquneqarnissaannik Inatsisartut aalajangiiffigisassaattut siunnersuut, Inatsisartunut ilaasortaq Kristian Jeremiassen, Siumut inatsisartunut aaliagiiffigisassanngorlugu oqaluuserisassanngortitaa Partii Inuit ima oqaaseqarfigissavarput.

Partii Inuit nunaannaarutingaarput utoqqartatta qanoq atungassaqaartitaanerat pillugu inatsisartunut ilaasortap Kristian Jeremiasennip oqaluuserisassanngortitsinera.

Partii Inuit oqaatigissavarput naluneqanngittutut kalaallit inooqatigiinnikkut aaqqissuussaanerput inuiannut uagutsinnut tulluarpallaanngittutut qineqqusaarnermi taakkartortaratsigu matumani aamma minnerunngittumik utoqqartatta qanoq atungassaqaartitaanerat pillugu.

Partii Inuit tunngaviusumik isumaqarpugut utoqqaat ataqqinartumik inuuneqartussaasut, tamannaasorlu aamma siulitta kinguaariit ilisimassassaannik pingaarutilinnik ilisimasaqartuusut ingerlatitseqqittuusartullu kinguaanut, siuaasat sunik pingaarutilinnik ataqqisariaqartunillu inuusaaseqarsimanerannik tunngasunik assigisaannillu inuttut ilisimasariaqartunik kinaassuserput eqqarsaatingalugu. Taamaattumik utoqqartat tassaasussaapput ataqqinartumik inuuneqarlutik kinguaanit aaqqissuussiffigineqarsimasussat.

Oqaluuserisamut tunngatillugu Partii Inuit pingaartutut taarusupparput utoqqartatta utoqqalinersiaasa tunniunneqartartut akiligassanik sunilluunniit ilanngartugassaanngittunik iluarsivigineqarsimassasut matumani tunngaviusumik ulluinnarni inuuniarnermut pisariaqartinneqartut killiunneqarsimasut iluini.



Partii Inuit Inatsisartuni

Partii inuit oqaluuserissaq tunngaviatigut tamakkiisumik taperserlugu sukumiisumik oqaasertaasa peqqissaartumik iluarsaanneqarnissaat siunertaralugu ilaqtariinnermut inatsisinillu atortitsinnermut ataatsimiisitaliami suliarineqarnissaa innersuussutigaarput.

Erseqqissaatigissavarput Ilaqtariinnermut inatsisinillu atuutsitsinnermut naalakkersuisoqarfiup allannguutissatut siunnersuutaa malillugu suliaq ingerlateqqinneqassasoq innersuussutigingsigut.